

Шогумо эл, порылык да гын верр!



Будь готов/ ЯМДЕ ЛИЙ

1933 ий 1 февраль годсек лектеш.

0+

Фотопроект



Фотом еш архив гыч налме.



Снимкыште Юля Мироновам уждыда. Тудо 1-ше №-ан Морко школын 10-шо классыштыже шинчымашым пога. Юля – тале волонтер, активист, районысо Самырык-влакын парламентыштын енге. Волонтер пашам 2017 ийыште тунгалын. Кум ий жапыште ятыр у кукшытыш шуын. Тӱрлӱ конкурсышко, акцияшке ушнен, чолгалыкшым ончыкта, уш-акылжым терга. Всероссийский проект-влак конкурсышто «Бабушки, будьте бдительны!» пашаж дене икымше верым налын. «Духовные истоки» команде дене Моско, Псков, Великий Новгород, Изборск олаам ончен коштын. Шукерте огыл Молодёжный проект-влак всероссийский конкурсышто «О спорт, ты мир!» проектше дене сеныше радамаш лектын.

«Ямде лий» газетлан **ПОДПИСКЫМ** кузе ышташ?

Верласе связь отделенийышке (почто) мийыза. Ак – 346 тенгеат 62 ыр.

Почтальон-влак квитанций дене подпискым ыштен кертыт. Ак тыгаяк.

Эн сай йӱн – **ОНЛАЙН ПОДПИСКЕ.** Тидлан podpiska.pochta.ru сайтыш пурыза але «Почта России» мобильный приложений гоч возалтса. Огыда мошто гын, иза-акадам йодса.

Электрон газетым лудаш йӱнан гын, электрон подпискым ыштен кертыда. 89024668399 телефон номерышке оксам пыштыза да yamde_lii@mail.ru адресыш лӱмнердам возен колтыза.

2020 **ЛОТЕРЕЙ** ИЙЫН

Икымше пелийжылан подписчик-влак коклаште увертарыме лотерей модышым иктешлышна. Тӱн приз – велосипед – Шернур район Кондрач ялыште илыше **В.ДАЛМАМЕТОВЛАН** логале. Пӱлек редакцийыште вуча.

Пӱлекым налаш «Ший памам» сылнымут фонд (вуйлатыше – Василий КРАСНОВ) полшен. Кугу таум ойлена!





Моло-
д ё ж -
ный проект-
влак всерос-
сийский кон-
курс иктеш-
лалтын. Туш-
то 14-30 ияш
с а м ы р ы к
ўдыр-рвезе-
влак тагасе-
ныт. Школ-
лаште тунем-
ше-влакат пашашт дене ойыр-
темалтыныт. Теве Морко ра-
йон Коркатово лицейыште
кадет классыште тунемше
Яна Атабаева **(снимкыште)**
«Вы в нашей памяти навеки»
проектшым илышыш шын-
дарап 250 тўжем тенге
оксам налын.

Сенгымаш

Туныктат да тагасат

Шарнымаш да чап идалыкклан
пӧлеклалтше эн сай урок, меро-
приятый да социальный проект кон-
курс Марий Элыште туныктышо-
влак коклаште эртаралтын. Тага-
сымашке 292 паша пурен.

«Эн сай урок» тагасыште У Торъял
район Какшанмучаш (Пектубаево)
школышто общественный да МХК предметым туныкты-
шо Т.И.Голиченко сенгышыш лектын. 2-шо номеран
Медведево школышто руш йылмым да литературым тунык-
тышо, туныктышо-дефектолог Г.М.Желонкина **(снимкыште)**
призёр лийын. Йошкар-Оласе 19-ше номеран школышто
математикым да информатикым туныктышо Н.В.Заболотнева
«Эн сай мероприятий» тагасыште сенен. Параньга школышто
математикым туныктышо Г.Р.Виноградова эн сай социальный
проектным возен.



Л.ГРИГОРЬЕВА ямдылен.

Конкурс

«Ачан кечыже»

20 июнышто «Ачан кечыже» I
всероссийский онлайн фестиваль
лиеш. Тудо Российыште шуко
шочшан ешым жаплыме, ешыш-
те да обществыште ачалан кугу-
рак верым ойырымо шонымаш
дене эртаралтеш. Фестиваль
радамыште «Супер ача» да «Ача
нерген йомак» всероссийский
конкурс-влакым увертарыме.
Паша-влакым 12 июнь марте
колташ лиеш.

«Супер ача» конкурсышто ачан
фотожо да тудын поро пашаже
нерген видеоматериал аклалтыт.
Паша-влакым, #суперпапаРФ
хештег дене палемден, соцкыл-
лаште верандыман.

«Ача нерген йомак» конкур-
слан сочиненийым возыман да
многодетные-семьи.рф/ сай-
тышке колтыман.

1-ше классыште ту-
неммем годым Чавайнур
ялысе Чавайн лўмеш тоштер-комплексш икымше гана
миенам. Шуко тўрлӧ ожнысо арверым ужынам. Тоштерым
вуйлатыше писательын илыш корныж дене палдарен.
С.Г.Чавайн шочмо кечыже вашеш кажне ийын тоште-
рыште сылнымутым лудмо конкурс эртаралтеш.

18 май – Музей-влакын тўнямбал кечышт.

**Яна
ДМИТРИЕВА.
Морко,
Коркатово.**

*Куку чар-
ныде мура
– эр кылме
пытен.
Калык
пале.*

Каныш кече

Рушарня кечым мый тыге эртарем: эрде-
не кынелам, шўргым мушкам да кочкаш
шинчам. Вара урокклан ямдылалтам,
мӧнгысӧ пашам чыла ыштем, нигунам кас-
лан ом кодо. Кызыт коронавируслан кӧра
уремышкат модаш лекташ ок лий, садлан
изи шольым дене кудывечышке лектына.
Коктын аваланна кочкаш шолташ полше-
на. Шольым ноя гын,
мый малаш пыштем.
Кастене, ачам тол-
меке, иквереш теле-
визорым ончена,
адак шольым дене
модам.



Шошо кече пеш мотор,
Чыламап ўжеш содор.
Лач ок лий мылам лекташ –
Кўлеш мылам тунемаш.
**Даниил РОМАНОВ.
Волжский, Йывансола.**

**Катя МОЧАЛОВА.
Советский, Кельмаксола.**

#мӧнгыштӧшичена

Культура.РФ порта-
лын «Открываем города
России»:
<https://www.culture.ru/s/goroda/> спецпроектше по-
чеш, мӧнгӧ гыч лекде,
кумда элна мучко путе-
шествийыш тарванаш
лиеш. Калининград гыч
Владивосток марте тўрлӧ
олан историйже, онгай
фактше, верже-влак,
тўвыраже нерген пален
налаш йӧн уло.

5-11-ше класслаште
тунемше-влак, «Кугу Сенгы-
машын изи геройжо-влак»
республиканский сочинений
конкурсышко ушныза.
Пашам рушла, олыкмарла,
курыкмарла возаш лиеш. 20
май марте mari-
centr@mail.ru электрон адре-
сышке колтыза. Конкурсым
Республикысе марий тўвыра
рўдер ден «Единая Россия»
всероссийский партийын
Марий Элысе пӧлкаже
эртарат.

«Педагогическая
олимпиада» сетевой изда-
ний йочасадыш коштышо
икшыве, тунемше, сту-
дент, туныктышо-влакклан
«Он сказал: «Поехали!»
всероссийский усталык
конкурсым увертарен.
Тагасымашке ушнаш
йодмашым да паша-вла-
кым 14 июнь марте
redolymp.ru сайтышке
колтыман. Конкурс нерген
тўрыс уверым ты сай-
тыштак ончыза.



19 май – Пионерийын кечыже.



18
февральыште
«Стелла» пионер
дружинылан 26
ий темын.

Кö тыгай пионер? Пионер – тиде ончылно ошкылышо, пашам эн ончыч ыштыше. Тудо йолташыжлан, шочмо кундемжылан, шочмо нүртүсшылан польш кидым шуялташ эре ямде. Пионер – чын, келшымаш, чап верч шогышо, лүддымö, шкеж почеш йолташыже-влакым наҥгаен кертше да кеч-могай пашам ышташ ямде ушо ет.

Таче пионер-влакым те чүчкыдын ужыда? Уке, очыни. А Йошкар-Олаште улыт. 1994 ийыште 14-ше номеран гимназий пелен «Стелла» пионер дружине почылтын. Латин йылме гыч кусараш гын, «шүдыр» манме лиш. Тышке 5-11-ше класслаче 200 наре

Эре ямде пионер

тунемше (снимкыште) коштеш.

Дружиным гимназийын директоржо В.Н.Цепелев вуйлата. Председательже – 11-ше классыште тунемше Екатерина Иванова. Куд направлений дене пашам ыштат. Школышто да олаште эртаралтше түрлө мероприятийышке ушнат, шкештат эртарат. Кажне ийын йоча-влак Сенгымашын XXX идалыкше лүмеш тувыра полат ончылно лум гыч түрлө фигурым ыштат, гимназийышт ончылно идалыкын символжым ий гыч чонат. Шошым субботникыш ушнат. Пионер-влак макулатурым погат, ветеран-влак деке польшкалаш коштыт. Эн кугу мероприятийышт – 1 Майлан демонстраций. Кажне ийын эн чолга ўдыр-рвезе-влак шествийын колонныжым вуйлатат. А 19 майыште, Пионерийын кечынже, кажне кумылан ег (кеч йоча, кеч кугыен) пионер-влак радамыш ушна.

Кажне йочан пионер значокшо уло. Организаций, шке гыч значокым (снимкыште) ыштен, эн чолга пионер-влаклан кучыкта. Значокын дизайнжым йоча-влак шке кельштарат.



Х.АЛЕКСАНДРОВА.

Историй гыч

1922 ий 19 майыште комсомолын

кокымшо всероссийский конференцийыштыже Совет Ушем мучко пионер отряд-влакым чумырымо нерген пунчалым луктыныт. Тиде кече Пионерийын шочмо кечыжлан шотлалтеш.



Фотом школын архивше гыч налме.

Лидерым кушта!

Мемнан школышто «Поро Чонан-влакын «Надежда» Республикышт» йоча организаций пашам ышта. Совет пагытыште тудо Александр Матросов лүмеш пионер дружине лийын.

2003 ий гыч тачысе семын маналтеш. Президентше – 10-шо классыште тунемше Алина Пугачёва. Тудо эше «Костёр» социально-активный командын лидерже. Ме фестивальлашке, слётлашке ушнена, конкурслаште мастарлыкнам тергена. Кенжежым Түшка да онай паша-влакын школыштым (ШКИД) эртарена.

Мемнан организацийышке «Ритм» лесничество школ, «Зов сердца» волонтер отряд, «Долг» юнармий отряд, «Репортёр» редколлегий школ гыч шогышо «Голос» ушем пурат. Йоча организаций лидерым кушта!

Настя ИВАНОВА.

Медведево, Руэм.



Поро да чолга



Паранга район Матародо школышто 10-шо классыште тунемше Нина Соколова поро, кечкөлан полпаш ямде койыш-шоктышыж дене ойыртемайтеш. Школысо «Сескем» йоча организацийын лидерже. Ик конкурсат, ик пайремат Нина деч посна ок эртаралт. Тале, мер пашам йоратыше ўдыр эре ончылно. Нина ўмаште эртаралтше финн-угор кинолагерьыште ик эн тале участнице лийын.

А.В.МОРОЗОВАН фотожо.

♦1924 ий марте пионер организаций Спартакын лїмжым нумалын, а вара – В.И.Лениныным.

♦1990 ий деч вара пионер организацийым йоча организацийын ушемже алмаштен.



*Җоч төрзатым,
мјндыр тос!*

Йўлам да йылмым аралат

Свердловск кунде-мыште марий йылмым кузе тунемыт? Тидын нерген Нижнесергинский районысо Ялгиян ялыште верланыше школышто марий йылме да литератур уроклам вўдышў Нина Владимировна **КАРМЫШЕВА** (снимкыште) каласкала:

– Школыштына 40 тунемше уло. Марий йылмым визымше класс гыч тунемына. Школ вуйлатыше С.И.Янбекован тырышымыжлан кўра марий йылмым ик ий ончыч тунемаш тўжалме. Светлана Ильинична шочмо йылмым да йўлам арален кодымо верч чот тырша. Туныктышо да тунемше-влакым кумылаўда. Кызыт арняште кок гана марий йылме да ик гана литератур урок-влак улыт. Йоча-влак олимпиадылаште уш-акыллыштым тергат. Тўрлў конкурсышко ушнат. Яна Еникеева ден Алёна Беринёва Москосо «Биллингва» конкурсышто сеҗыше радамыште лийыныт. Шукерте огыл ты

конкурсыш Алёша Обожинын да Влада Камаеван пашаштым колтым. Ўдыр-рвезе-влак сочиненийым марла возенят да рушлаш кусаренят. Мария Саркеева марий литератур дене регион-влак кокласе олимпиадыште уш-акылжым терген. Урокышто тыгак мураш, кушташ тунемына, почеламутым лудына. Школышто «Изи намаш» мурышо да кушташ ансамбльым чумырымо. Тўрлў конкурсышто мастарлыкнам ончыктена. Антон Калинин «Моя Родина – Урал» фестивалыште сеҗыше лийын. Кажне ийын марий йўла дене кылдалтыше мероприятий-влакым ямдылена. Пеледыш пайрем, Шорыкўол, Ўярня пайрем-влакым эртарымаш йўлаш пурен. Йоча-влак уло кумылын ушнат.

Е.ИВАНОВА мутланен.



М Шыше – пече.

Подписка

Сай улыда, тора родына-влак! Пошкырт, Татарстан да Одо кундем-ласе ача-ава, коча-кова-влак, пеш кугу йодмашна уло. **ШОЧШЫДА, УНЫКАДА-ВЛАКЛАН «ЯМДЕ ЛИЙ» ГАЗЕТЛАН ПОДПИСКЫМ БЫШТЫЗА!** Кодшо ий марте Удмуртийыште возалташ лийын огыл, ынде каталогыш пурымо – возалтса!

Эн сай йўн – онлайн подписке. Верласе почто отделенийыш миен але почтальон гочат подпискым бышташ лиш.

Индекс –
П4696.

Аваем

Шокшо май тылзын
Ош ломбо пеледын –
Сўан ўдыр гае койын шога.
Серышым налым
Шочмо авам дечын –
Тулшолгым гае
Чонем йўла.
Авамын кумылжо
Лум гае пушкыдо,
Порсын
шўртў дене
Куымо гае.
Авам



муралта гын
Яндар йўкшў дене,
Кумылемлан, чонемлан
Моткочак сае.
Пашам ыштен пытарымеке,
Йўршын каныде, тый
Пўлеклет жапетым
Мыланем, авай.
Улат нимо деч шерге,
Улат нигў деч лишыл
Мыланем тый,
Йўратыме авай!

Полина МИЛЯЕВА.
Татарстан, Агрыз,
Буймо.

Зяңгар кавам

*кумдан ўндалын,
Ула волгалтын Пошкырт вел.
И.КАРАЕВ.*

Шўжарем гай йолташем

Яна Сайпашева (снимкыште) Пошкырт кундем Мишкан район Тынбай школын 8-ше классыштыже тунемеш. Тудо мыланем шўжарем гай. Поро кумылан, мотор, ушан ўдыр. Яна сайын тунемеш, спорт дене кылым куча. Тений марий йылме дене республикысе олимпиадыште уш-акылнам пырля тергышна. Коктынат икымше верыш лекна. Мый латикымше классыште тунемам. Тынбай школын чапшым регион-влак кокласе олимпиадыште араленам. Яна вес ийын кая манын ўшанем. Марий Элын мотор рўдолаштыже мый ик гана веле огыл лийынам. Йолташемлан Йошкар-Ола нерген каласкаленам. Сандене Яна олам моткоч ужнеже.

Настя НИКОЛАЕВА.

Пошкырт, Мишкан, Тынбай.



М Зяңгар – канде.



«Ямде лий» 2020 ий 16 май

Пошкырт кундем Калтаса район Калмаш ялеш
1932 ий 20 сентябрьште шочын.

Порын шарналтен

В.Исенеков Одо кундем Карагел район Шопкер ялеш шочын. Тудо мемнан ял деч 10-12 километр тораште верланен. «1948 ий 1 сентябрьште Буймо школыш тунемаш миенам. Книгам ала лийын, ала уке – монденам. Но сумкаштем шке возымо почеламут тетрадем киен...», – В.Исенековын каласкалымыжым шарналтат шонгыен-влак.

Война деч вара книга класслан икте-коkyт веле лийын. Тетрадеш перо дене возеныт. Тунам ордыж вер гыч Буймо школыш тунемаш толшо-влак илаш пачерым кычалыныт. Валентин Исенековын аваже кўшыл мучашыште пўртым муын. Буймо школышто тунеммыж годым изи Валентин поснак почеламут деке шўмангын, шуко возен. Южыжо пырдыжгазетешат возалтын. «Яра жапем почеламутым возен эртаренам», – шарналтен варарак поэт.

Василий ЮЗЫКАЕВ.

Татарстан, Агрыз, Буймо.



Ялч тўрзатым,
мўндыр тос!

М

Кўл
– вий.



Шошо толын

Толын шошо.

Кече шокшо –

Пўтынь мландым ырыкта.
Пўрт воктене кайык-влакше
Куаналын муралтат.
Сылне муро йўкым колын
Куржын лектым садышкем,
Лумпеледыш вуйжым луктын
Шыргыжале мыланем.
Пуйто тудо куаналын
Чеве шошо толмылан,
Вуйжым кече дек нўлталын,
Таум ышта чыдалан.

Андрей ШУРМЕТОВ.

Татарстан, Агрыз, Буймо.

М

Мутерым филологий шанче кандидат
А.А.ИЛИЕВА ямдылаш полшен.

Татарстан Республик
Агрыз район

Буймо школышто тунемше-влак #РодныеРифмы марафонш ушненыт. Йоча-вакш почмо марий йылме деке шўман улмыштым поэзий гоч ончыктеныт. Нуно Валентин Исенековын возымо почеламутшо-влакым лудыныт. Ты марафон поэтын 85 ияш лўмгечыжлан пўлеклалтше лийын.



Л.З.ЮЗЫКАЕВА, туныктышо.

Снимкыште: Юля ПАЖБЕКОВА
В.Исенековын «Мый моткоч куаненам» почеламутшым лудеш.

Урал хор

Мый Урал хорым ончаш миенам. Артист-влак лыжга сем почеш сылнын муруныт, куштымо сем почеш пўрдын-пўрдын тавеныт. Тынар куштен, кузе огыт нойо манын куанен онченам. Шкемынат кушталтен колтымем шуын. Ончаш толшо калык, совым рўж кырен, шокшын вашлийын. Мыланем пеш келшен.

Влада КАМАЕВА.

Свердловск, Ялгиян.

М

Кечеверт –
кечшудо.


Могай корным ойыраш?

Врач профессий тенийысе саманыште ик эн кўлешан. Тыге, очыни, шукуын шонат. Татарстан Республик Балтаси район Ципья школышто тунемше Ангелина Кугергина изинекак врач лияш шона. «Мыйын ик акам врачлан тунемеш, весыже – медшўжарлан. Сандене, школым тунем пыта-рымек, могай корным ойырымо нерген шуко шонен омыл», – ойла Ангелина.

Марий ўдыр ен-влаклан польшышым пуаш эре ямде. Тунеммаште – ончылно, чолгалыкшым тўрлў конкурсышто ончыкта. Биологий, химий предметлам келгын тунемеш. Марий йылме дене регион-влак кокласе олимпиадыште уш-акылжым терген.

Е.ИВАНОВА.

Авторын фотожо.



Салам, почмо вер!

О корно, пўрымаш вўргорно,
Шуйнен уржа пасу покшеч,
Кондет адак Шорьялыш порын –
Пўрт деке, манмыла, ик шеч.
Вуйвалне модын, туто кече
Поян июльым чеверта,
Тичмаш куатым уржа дечын
Поген, той августыш эрта.
...Салам тылат, кумда Башкирий!
Авамла шокшын ондалам.
Ю шочмо верыш толын ыре,
Марий кундемын шўм салам.

А.ТИМИРКАЕВ.

Пошкырт кундем Калтаса район
Шорьялыште 1952 ий
2 январьште шочын.

М

Упша
– умша.

«Ямде лий» 2020 ий 16 май

5

Кажне йочан илышыже ешыште тўналеш. Йочалан еш – тиде икымше школ. Тыште поро пашам ышташ, кугуракым пагалаш, изиракым чаманаш тунемеш. Ача-аваштым ончен, йоча-влак илышлан тунемыт.

Советский посёлко гыч Гурьяновмыт ешыштат (снимкыште) тыгак. Анна Анатольевна посёлкысо 2-шо номеран школышто тўналтыш класслам туныкта. Тудо Оршанке педколледжыште тўналтыш класслам да музыкым туныктышылан тунемын. Нигунам ик верыште ок шинче. Мастарлыкшым тўрлө конкурсышто терга. Шукерте огыл эртаралтше «Идалыкын туныктышыжо» районысо конкурсышто 2-шо верыш лектын. Анна Анатольевна чоныштыжо муро,

сем илат. Шочшыжо-влакымат музыклан шўманда. Пелашыже Александр Юрьевич – военнослужащий, отделенийн командирже.

Кугурак ўдырышт – Дина. Тудо 11 ияш. 5-ше классыште шинчымашым пога. Аважын корныжым тошка. Визымше ий фортепяно дене шокташ тунемеш. Э.Сапаев лўмеш опер да балет академический театрыште Все-марийский йоча хорышто мурен. Тыгак проект пашалан шўман. «Морко сўан йўла» проект дене районышто 1-ше верым налын, вара регион-влак коклаште эртаралтше конференцийыште вийжым терген. В.Г.Новиков лўмеш «Творчество. Познание. Труд» республикысе шанче-практик конференцийыште «Лишыл ен-влак» лўман проектше дене

Ончыко ошкылаш ушаным пуа

Фотом еш архив гыч налме.



15 май – Ешын
тўнямбал кечыже.

Дина 2-шо верыш лектын. Тудо Яков ден Андрей Эшпаймытын илыш корнышт ден усталык пашашт нерген каласкален. Школышто чыла «визытанлан» тунемаш тырша. Чолга улмыжлан көра Марий Эл Вуйлатышын ёлкышкыжо кок гана логалаш пиал шыр-гыжалын.

Олег 2-шо классыште тунемеш. Школ деч вара «Вольная борьба» секцийыш коштеш. Пытаргыш танасымаште 3-шо верым налын. «Рвезылан спорт дене кылым кучаш кўлеш. Тыге нуно виянрак, нелым куштылгын чытен лекше, пекгыде койыш-шоктышан лийыт. Адакшым рвезе шкенжым арален моштышаш. Олегын сеҗымашыже-влак ончылыно улыт манын

ўшанена», – ойлат ача-ава.

Изирак ўдырышт – Настя. Тудлан – кок ий. Настя «Родничок» йочасадыш коштеш. Музыклан изинек шўман кушкеш. Мўнгыштат фортепянышт уло. Дина акаже сылне семым шокта, а шўжарже кушталта. Шуго йоча телевизор дене мультфильмым ончаш йората гын, Настя музыкальный каналыш колташ йодеш.

– Яра жапым пырля эртарена. Кеҗежым пўртўс лонгаште канена. Морко районыш коча-кова-влак деке уналыкеш коштына. Кунам ешыште ваш умылен, полшен илат, тунам гына еш пекгыде лиеш, – ойлат вате-марий.

Х.АЛЕКСАНДРОВА.

Веселан илена

Мыйын уло изи шольым:
Пеш онгай да йгытыра.
Мые тудым йоратем,
Эн ушаным вел ужнем.
Школ деч вара лудыктем
Да возаш пеш туныктем.
Шотлена, сўретлена,
Авайланат полшена.
Веселан ме илена!



Полина МАКСИМОВА.

Параньга, Матародо.

Авамлан полшем

Мыйын авам – Надежда Павловна Михеева. Тудо поро кумылан, весела, чыным йоратыше айдеме. Кунам авам паша гыч мўнгтө толеш, кидпашам ышта. Мый тудлан полшем: кўварым мушкам, пуракым ўштам. Авам тамле кочкышым ямдылаш йората. Кугу тау тыланет, авай!

Карина ТИХОНИНА.

Марий Турек, Сысоево.

Ава вурса гынат, йоратен вурса. Мыйын авам – пеш сай айдеме. Йоратыза авадам, чаманыза! Ава деч шерге да лишыл нигө уке.

Кирилл АФАНАСЬЕВ.

Ава, ава, лай порсын кумылетым
Аклаш сита мо чон тулна мемнан?
А.ИВАЧОВА.



Ковай
Ныжыл, ушан.
Ўндалеш, каласкала, шыр-гыжеш.
Тудын кажне шомакше – шўртнўё.
Куанна.

Кирилл НИКОЛАЕВ.

Морко, Шўргыял.



Тўнъяште эн кугу тумна – Евразийысе филин. Кап кужытшо – 75 сантиметр, нелытше – 4,5 килограмм, шулдыржым шаралта гын, 190 сантиметр наре лиеш.

Ўнгө – тумна-влак ешыш пурышо кайык. Тудо кужу пунан, шинчаже йошкаргырак тўсан. Тиде кайык ег-влак деч огеш лўд маныт. Нуно чодыраште, олала да ялла вокте не илат.

Максим ОРЕХОВ.
Советский, Ўрша.
Авторын сўретше.



Коля лўмеш ола

☺ Мышкин ола Ярославский областыште верланен.

☺ 2008 ий гыч кажне ийын 14 июлышто Колян тўнямбал фестивальже эртаралтеш.

☺ Мышкин олаште Коля тоштер уло.
В.СМИРНОВ ямдылен.

Аралыза куэм

Куэрлаште коштмем годым шинчамлан пушенгыште корен пытарыме пале-влак пернышт. Куэ-влак шинчавўдым йоктарыше гай койыт. Куэвўдын пайдаже нерген чылан палат, но куэм аклен огыт мошто. Садлан, йоча да кугыен-влак, куэвўдым налаш кайымыда годым пеленда садовый варым але шыштым налза. Сусыр верыш йыгалтыза!

Настя ИВАНОВА.

Морко, Коркатово.



12 май –
Медшўжарын
тўнямбал
кечыже.



Волжский районысо тўвыра пўлкан эртарыме «Изоляций» флешмобышко ушнышым. Тыгай фотографийым ыштышым.

Саха СТЕПАНОВА.

Волжский, Упшер.

«Ямде лий» 2020 ий 16 май



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугужаныш унитарный казна предприятий.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службын Приволжский федеральный округысо управленийыштыже регистрироватлыме.

Номер – ПИ №ФС 18-1999,
2005 ий 10 февралыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымышт тўрлў лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издателыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс

Мыйын сурт сомылкам



Валериян АНДРИЯНОВ.
Морко, Тишкан.



Дима ПЕТРЯЕВ.
Татарстан, Агрыз,
Мандык.



София ТИМОФЕЕВА.
Волжск ола.



Таня АЛЕКСАНДРОВА.
Морко посёлко.



Пики пурла мо-
гырыш савырны-
же манын, кум
шырпе пырчым
верыит дене
вашталтыза.

Чонештена чылан

Ончык шуена киднам,
Рүзалтена ме чылан.
Күшкө нөлтена шыман,
Тарватена писынрак.
Теве лийна шулдыран,
Чонештена йыр чылан.
Шүлалталын ласканрак,
Пижына чот пашалан.



НИЛЬБИНА.


Волжский, Карай.

Задаче


Пөлемын ныл
лукуштыжо
пырыс шинча. Кажныже вашта-
реш – эше кум пырыс. Пөлемыште
чылаже мыняр пырыс уло?



Кроссворд



Сүреглаш тунемына.



Ойыртм-влакым муза.

Туштым туштем – палыза.

1. Вуйжо – шаньык, почшо – үштер-воштыр.
2. Ушкал огыл, шөрым пуа.
3. Лавырам йората.
4. Ушкалын «игыже».
5. Маскам лүдыкта, пире деч лүдеш.
6. Сонарзе огыл – сонарлаш коштеш.
7. Орол огыл – еным кынелта.

Алина ПОЛУШИНА.

Советский, Öрша.



«Ямде лий» 2020 ий 16 май